



千金方

廿六

毒之毒卷

癰瘤	胡臭漏腋	解食毒	解毒凡八類
癩病	脫肛	解五石毒	
		蠱毒	解百藥毒

武 9
175
26



金真入備急千金要方卷之七十二

宋制奉郎守太常少卿充經閣校理林億等校正

解毒并雜治方

解毒第一論

論曰凡人誤法山川不識水土人畜飲啜誤命於時常不覺其
多毒其害豈非巨橫耶然而太皇太后授其人以救世之方
其法甚多而不學之朝逢過使以其心竟不識其所以
本藥之方



金真入備急千金要方卷之七十二

神醫
第 175
卷 26



孫真人備急千金要方卷之七十二

慈一

宋朝奉郎守太常少卿充祕閣校理林億等校正

解毒并雜治方

解食毒第一論

論曰凡人跋涉山川不諳水土人畜飲啖誤中於毒素不知方
多遭其斃豈非枉橫耶然而太聖久設其法以救活之正為蒼
生嗜樂忽而不學下朝逢遇便自甘心竟不識其所以今迷神
農黃帝解毒方法好事者可少番意焉

治諸食中毒方

飲黃龍湯及犀角汁無不治也飲馬尿亦良

千金方

卷七十二

旬四



治飲食中毒煩滿方

苦參三兩咬咀以酒二升半煮取一升頓服即吐愈

治食百物中毒方

掘廁傍地深一尺以水滿坑中取廁籌七枚燒令烟以投坑中乃取水汁飲四五升即愈急者不可得但掘地著水即取飲之

又方服生韭汁數升

又方含貝子一枚須臾吐食物瘥

治食六畜肉中毒方

各取六畜乾屎為末水服佳若是自死六畜肉毒水服黃

篤信堂

篤信堂

藥末方寸匕須臾服與佳

又方燒小豆一升為末服三方寸匕神良

又方水服竈底黃土方寸匕

治食生肉中毒方

掘地深三尺取下土三升以水五升煮土五六沸取上浮清者飲一升立愈

治食牛肉中毒方

狼牙燒灰水服方寸匕良

又方温湯服猪脂良

又方水煮甘草汁飲之

千金方 卷七十一 二百三十八
治食牛馬肉中毒方

飲人乳汁良

治食馬肉血洞下欲死方

豉二百粒 杏仁二十粒

右二味吹咀蒸五升米下飯熟搗之再服令盡

又方蘆根汁飲以欲即解

治生食馬肝毒殺人方

牡鼠屎二七枚兩頭尖者是以水研飲之不瘥更作

治食野菜馬肝肉諸脯肉毒方

取頭垢如棗核大吞之起死人

又方燒狗屎灰水和絞取汁飲之立愈

又方燒猪骨為末水服方寸匕

治食百獸肝中毒方

頓服猪脂一斤佳亦治陳肉毒

治食狗肉不消心中堅或腹脹口乾大渴心急發熱狂言妄語

或洞下方

杏仁一升合皮研以沸湯三升和絞取汁分三服狗肉完

片皆出即靜良驗

治食猪肉中毒方

燒猪屎為末服方寸匕太屎亦佳

治漏脯毒方張文仲云葶藶室諸水迷脯為漏脯

擣韭汁服之良大豆汁亦得

治鬱肉濕脯毒方張文仲云肉閉在密器中經宿者為濕脯

燒狗屎為末水服方寸匕凡生肉熟肉皆不用深藏密蓋不泄氣皆殺人又肉汁在器中密蓋氣不泄者亦殺人

治脯在黍米中毒方

麩一兩鹽兩撮以水一升者服之良

治中射罔脯毒及餅臛中毒方

取貝子為末水服如豆佳不瘥又服人以雉肉作餅臛因食皆吐下治之方

犀角為末服方寸匕得靜甚良

治食鶩鴨肉成病胃滿面赤不下食者方

服林米泔良

治食魚中毒方

者搗皮停極冷飲之立驗肘後方云治食魚者中毒面腫煩亂者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦茸汁飲之

治食魚鱠及生肉在胃膈中不化吐之不出便成癥瘕方

厚朴兩三 大黃兩二

右二味以水二升者取一升頓服之

治食魚鱠不消方

大黃三兩切 朴硝二兩

右二味以酒二升者取一升頓服之仲景方有橘皮一兩肘後方云治食猪肉遇冷

不消必成癥下之方亦無橘皮

又方春馬鞭草飲汁一升即消生薑亦良時後方云亦宜服諸吐藥

又方鮫魚皮燒灰水服無完皮壞刀裝取之一名鮫魚皮古今錄驗

云治食鯨鱈魚傷毒

又方魚皮燒灰水服方寸匕

又方魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

治食諸菜中毒方

甘草 貝齒 胡粉各等分

右三味治下篩水服方寸匕小兒尿乳汁共服二升亦好

治食山中樹菌中毒方

人尿汁服一升良

解百藥毒第二論方解毒

論曰甘草解百藥此實如湯沃雪有同神妙有人中烏頭巴豆毒甘草入腹即定中藜蘆毒葱湯下咽便愈中野葛毒土漿飲訖即止如此之事其驗如反掌要使人皆知之然人皆不肯學

誠可歎息方稱大豆汁解百藥毒余每試之大懸絕不及甘草
又能加之為甘豆湯其驗尤奇有人服玉壺丸治嘔不能已百
藥與之不止藍汁入口即定如此之事皆須知之此則成規更
不須試練也解毒方中條例極多若不指出一二學者不可卒
知餘方例爾

石藥毒用白鴨屎人參汁

雄黃毒用防已

鐵粉毒用磁石

礞石毒用

大豆汁 白鷲骨

防葵毒用葵根汁

太戟毒用葛薄汁

桔梗毒用白粥

甘遂毒用大豆汁

躑躅毒用梔子汁

雞子毒用淳醋

馬刀毒用清水

野芋毒用

土漿 人糞汁

杏仁毒用藍子汁

百藥毒用

甘草 薺菜 大小豆汁 藍葉根實汁

金銀毒用 水銀服數兩即出雞子汁及尿白燒猪脂和水淋雞屎汁

芫花毒用 防已 防風 甘草 桂汁

野葛毒用 雞子清 葛根汁 甘草汁 鴨頭熱血 猪膏

雞屎 人屎 雄黃 温湯 煮葱汁

烏頭天雄附子毒用

大豆汁 遠志 防風 棗肉 飴糖

射罔毒用 藍汁 大小豆汁 竹瀝 大麻子汁

藕芩汁 六畜血 貝齒屑 蚯蚓屎

半夏毒用 生薑汁及煮乾薑汁 良姜毒用 甘草 犀角 蟹汁 升麻

狼毒毒用 杏仁 藍汁 白欬 鹽汁 木占斯

巴豆毒用

煮黃連汁 大豆汁 菖蒲汁 生薑汁肘後云小豆薑 煮寒水石汁

蜀椒毒用

葵子汁 蒜 桂汁 豉汁 人尿

冷水 土漿 雞毛燒吸煙及調水服

斑猫元青毒用

猪膏 大豆汁 戎鹽 藍汁 鹽湯煮猪膏

巴豆

服藥過劑悶亂者用

水和胡粉 水和葛粉 地漿

藁荷汁 秠米潘 豉汁 乾薑

飴糖 飲藍汁 吞雞子黃

解諸菌毒

掘地作坑以水沃中攪令濁澄清飲各地漿

解一切毒藥發不問草石始覺惡即服此方

豉升三 生麥門冬 葱白各八兩

右三味以咀以水七升煮取二升半分三服

雞腸草散解諸毒方

雞腸草分三 薺老 升麻各四分 芍藥 當歸

甘草各二分 全土一分 藍子合一

右八味治下篩水服方寸匕多飲水為佳若為蜂蛇等毒蟲所螫以針刺螫上血出著藥如小豆許於瘡中令濕瘡為射罔箭所中削竹如釵股長一尺五寸以綿纏繞水沾令濕取藥內瘡中隨瘡深淺令至底止有好血出即休若服藥有毒水服方寸匕毒解痛止愈

解毒藥散方

薺尾一分 藍并花二分

右二味七月七日取藍陰乾搗篩水和服方寸匕日三

又方中毒者取秦燕毛二十七枚燒灰服

解一切毒方

母猪尿水和服之又水三升三合和米粉飲之
解鳩毒及一切毒藥不止煩懣方

甘草各四分 梁米粉一分

右三味以水五升煮甘草取二升去滓取太熱內粉湯中攪令勻調內白蜜更煎令熟如薄粥適寒溫飲一升

治食茱萸闕亂如卒中風或似熱盛狂病服藥即劇方

飲甘草汁藍青汁即愈

治野葛毒以死口噤者方

取青竹去兩節在兩脇臍上內冷水注之煖即易須臾口開開即服藥立活惟須數易水

治鈎吻毒因欲死面青口噤逆冷身痺方肘後方云鈎吻菜黃食芥相似而所生之傍無他草又莖有毛誤食之殺人以

薺芫八兩吹咀以水六升煮取三升冷如人體服五合日三夜二凡者薺芫惟令濃佳

又方者桂汁飲之

又方取葱涕佳葱涕治諸毒

治腹中有鐵方

白折炭刮取末并花水服三錢不過再服

孫真人備急千金要方卷之七十二

孫真人備急千金要方卷之七十三

慈二

宋朝奉郎守太常少卿充祕閣校理林億等校正

解毒雜治方

解五石毒第三論方

論曰人不服石以庶事不佳惡瘡疥癬温疫瘡疾年年常患寢食不安興居常惡非止已事不康生子難育所以石在身中萬事休養要不可服五石也人年三十以上可服石藥若素肥充亦勿妄服四十以上必須服之五十以上三年可服一劑六十以上二年可服一劑七十以上一年可服一劑又曰人年五十以上精華消歇服石猶得其力六十以上轉惡

服石難得力所以常須服石令人手足溫煖骨髓充實能消生
冷舉措輕便復耐寒暑不著諸病是以大須服之凡石皆熟鍊
用之凡石之發當必惡寒頭痛心悶發作有時狀如溫瘡但有
此兆無過取冷水淋之得寒乃止一切冷食惟酒須溫其諸解
法備如後說其發背疽腫方見別卷

又曰凡服石人甚不得雜食口味雖百品具陳終不用重食其
肉諸雜既重必有相賊聚積不消遂動諸石如法時心將攝得
所石藥為益善不可加余年三十八九嘗服五六兩乳自是以
來深深體悉至於將息節度頗識其性養生之士宜留意詳焉
然其乳石必須土地清白光潤羅紋烏翻一切皆成百可入服

其非土地者慎勿服之多皆殺人甚於鴆毒紫石白石極須外
內映徹光淨皎然非此亦不可服寒石五石更生散方舊說此
藥方上古名賢無此漢末有何侯者行用自皇甫士安已降有
進餌者無不發背解體而取顛覆余自有識性已來親見朝野
仕人遭者不一所以寧食野葛不服五石明其大猛毒不可
不慎也有識者遇此方即須焚之勿火留也今但錄主對以防
先服者其方以從煙滅不復須存為合生害也

葱白豉湯鍾乳對木又對栝萋其治主肺上通頭骨木動鍾乳
骨塞短氣鍾乳動木頭痛目疼又鍾乳雖不對海蛤海蛤能動
鍾乳鍾乳動則目疼短氣有時木動鍾乳直頭痛骨塞然鍾乳

千金方 卷七十三
與未為患不過此也雖所患不同其治一也發動之始要有所
由始覺體中有異與上患相應宜速服此方

葱白斤半 豉升二 甘草兩三 人參外臺用吳茱萸一升

右四味以水一斗五升者葱白作湯澄取八升內藥者取三升分三服纔服便使人按摩搖動口中嚼物然後仰臥覆以被衣汗出去衣服湯熱歇即便冷淘飯燥而已若服此不解復服

甘草湯方

甘草兩三 桂心兩二 豉升二 葱白斤半

右四味合服如上法若服此已解肺家猶有客熱餘氣復服

桂心湯方

桂心 麥門冬各三兩 人參 甘草各二兩

豉升二 葱白斤半

右六味合服如前法此方與射後散發身體生瘡麥門冬湯方用重分兩小異

杜仲湯疏黃對防風又對細辛其治主脾腎通主腰脚防風動疏黃煩熱脚疼腰痛或真愈無常或下利不禁防風細辛能動疏黃而疏黃不能動彼始覺發便服此方

杜仲兩三 枳實 甘草 李核仁各二兩 香豉升一

梔子仁枚十四

右六味合服如上法若不解復服

大麥奴湯方

大麥奴兩四 甘草

人參

芒硝

桂心各二兩

麥門冬斤半

右六味合服如上法若服此已解脾腎猶有餘熱氣或冷復服

人參湯方

人參

乾薑

甘草

當歸各一兩

附子一枚

石五味合服如上法

生麥門冬湯白石英對附子其治主胃通主脾腎附子動白石英煩熱腹脹白石英動附子嘔逆不得食或口禁不開或言語

難手脚疼痛始覺宜服此方

生麥門冬兩四

甘草

麻黃各二兩

豨莶二升

右四味合服如上法不解再服

大黃湯方

若煩加細辛五兩

大黃三兩

豨莶二升

甘草二兩

梔子仁二十枚

右凡五味合服如上法頻服得下便止不下服盡若熱勢未

除視瞻高而患渴復服

枯薑根湯方

枯薑根

大麥奴兩四

甘草二兩

豨莶二升

葱白升半

右五味合服如上法稍稍一兩合服之隱約得一升許便可

食少糜動若已解胃中有餘熱復服

芒硝湯方

芒硝

桂心各二

通草

甘草各三

白木一

大棗二十

李核仁二十

右七味合服如上法若腹脹去芒硝用人參三兩

人參湯紫石英對人參其治主心肝通主腰脚人參動紫石英

外臺云細辛人參動紫石英人參主發動心亦心痛煩熱

外臺云細辛人參動紫石英人參主發動心亦心痛煩熱

外臺云細辛人參動紫石英人參主發動心亦心痛煩熱

外臺云細辛人參動紫石英人參主發動心亦心痛煩熱

外臺云細辛人參動紫石英人參主發動心亦心痛煩熱

人參

白朮各二

甘草

桂心各二

細辛一

鼓

右六味合服如上法若噎盛加大黃黃芩梔子各三兩若忘

誤狂發猶未除服

生麥門冬湯

外臺此方治礬石發

生麥門冬

葱白各半

甘草

人參

鼓

右五味合服如上法温牀煩煖牀下著火甲中嚼物使身稍

人參

防風

甘草各三

桂心二

生薑

白木各一兩

右六味合服如上法

大麥麩方赤石脂對桔梗其治主心通主胃背桔梗動石脂心
痛寒噤手脚逆冷心中煩悶赤石脂動桔梗頭痛目赤身體壯
熱始覺發宜溫清酒飲之隨能不可須酒執行則解亦可服此方

大麥熬令汗出燥止勿令大佳春去皮細搗絹篩以冷水

和服之千金翼云炒去皮淨淘蒸
金熟曝乾熬令香乃為末

葱白豉湯譽石無所偏對其治主胃發則令人心急口噤骨節
疼強成節節生瘡始覺發即服此方外臺云服
麥門冬湯

葱白斤半 豉升一 甘草兩一 鹽升一

右三味以水六升煮取二升半分三服若散發身體卒生瘡
宜服

生麥門冬湯方

生麥門冬兩五 甘草 桂心兩二 人參兩一

葱白斤半 豉升二

右六味服如解鍾乳湯法

木對鍾乳木發則頭痛目疼或舉身壯熱解如鍾乳法

附子對白石英亦對赤石脂附子發則嘔逆手脚疼體強骨節
痛或項強面自滿腫發則飲酒服麩自愈若不愈與白石英同

解

大黃黃芩湯桔梗對赤石脂又對茯苓又對牡蠣桔梗發則頭
痛目赤身體壯熱解與赤石脂同茯苓發則壯熱煩悶宜服此
方

大黃 黃芩 梔子仁三兩 豉一升 葱白切一升

右五味咬咀以水六升煮取二升半分三服

牡蠣發則四肢壯熱心腹煩悶極渴解與赤石脂同
乾薑無所偏對

栝蒌根湯海蛤對栝蒌海蛤先發則手足煩熱栝蒌先發則噤
寒清涕出宜服此方

栝蒌根 甘草各二兩 大黃二兩 梔子仁十四枚

右四味合服如解鍾乳法

白石英發先腹脹後發熱

石硫黃發通身熱兼腰痛

礬石發遍身發熱兼口噤

牡蠣發頭痛而煩滿熱

茯苓發直頭痛

桔梗發頭面熱

海蛤發心中發熱已上除海蛤外宜浴

紫石英發乍寒乍熱

赤石脂發心噤身熱頭面赤已上三味宜酒

石硫黃礬石桔梗牡蠣茯苓此五物發宜浴白石英亦可小浴其餘皆不宜浴礬石發宜用生熟湯茯苓發熱多攻頭即以冷水洗身漬之

浴法初熱先用暖水後用冷水浴時慎不可洗頭垂沐可

以二三升灌之凡藥宜浴便得解即佳不瘥可餘治之赤石脂紫石英發宜飲酒得酒即解凡藥發或有宜冷或有宜飲酒不可一槩也

又一法云寒食散發動者云草藥氣力易盡石性沉滯獨主胃中故冷數發欲服之時以絹袋盛散一七著四合酒中塞其口一宿後飲盡之其酒用多少將御節度自如舊法此則藥石之

勢俱用石不佳胃中何由而發事甚驗也

梔子豉湯治食宿飯陳臭肉及羨宿菜發者方

梔子三七枚 香豉三升 甘草三兩

右三味以水八升煎取三升分三服方中加入人參葱白

葱白豉湯治因失食發及飲酒過醉發者方

葱白一斤 豉一升 乾薑五兩 甘草二兩

右四味以水七升者取三升分三服不解宜服

理中湯

人參 甘草 白朮各三兩 乾薑二兩

右四味以水六升者取三升分三服

人參湯治因嗔怒太過發者方

人參 枳實 甘草各九 白朮 乾薑

栝蒌根各六分

右六味以水九升者取三升分三服若短氣者稍稍數

飲千金翼云主散發氣逆心腹絞痛不得氣息命在轉燭者

情色過多發宜服黃耆湯方本

將冷太過發則多壯熱以冷水洗浴然後用生熟湯五六石灌

已食少煖食飲少熱酒行步自勞

將熱太過發則多心悶時時食少冷食若夏月太熱時發動多

起於渴飲多所致水和少麩服之不瘥復作以瘥為度

冷熱法若大小便閉塞不通或淋瀝溺血陰中疼痛此是熱氣所致用此法即愈

其法前以冷物慰小腹已次以熱物慰之又以冷物慰之

若小便數此亦是取冷所為煖調理自愈

治藥發下利者方

乾服豉即斷能多益佳

檳榔湯丸服散之後忽身體浮腫多是取冷過所致治之方

檳榔三十枚搗碎以水八升煮取二升分再服千金翼云下篩取其皮以湯七升煮取二升去滓內子未為再服

治丸散發瘡腫方

蔓菁子熬杏仁

黃連

胡粉各一兩

水銀二兩

右五味別搗蔓菁子杏仁如膏以猪脂合研令水銀滅以塗上日三夜

治散發赤腫者方

生地黃五兩 大黃一兩

生商陸三兩 杏仁四十枚

右四味切醋漬一宿猪膏一升煎商陸令黑去滓摩腫上日三夜

治散發生細瘡者方

黃連 芒硝各五兩

右二味以水八升煮黃連取四升去滓內芒硝令烊漬

布取帖瘡上數數易換多少皆著之

治散發瘡痛不可忍方

冷石三兩下篩為末粉瘡上日五六度即燥須更痛亦定

治服散忽發痛方

乾薑五兩以水五升煮取三升去滓內蜜一合和絞

頓服不瘥重作

鴨通湯解散除熱方

白鴨通五升沸湯二斗半 淋之 梔子仁二十枚 豉三升

麻黃八兩 冷石二兩 甘草五兩 石膏三兩

右七味五味以鴨通汁煮取六升去滓內豉三沸分服

五合若覺體冷小便快闊其間若熱猶盛小便赤促服之不
限五合宜小勞當漸進食不可令食少但勿便多耳
解散治盛熱實大小便赤方

- 升麻 大黃 黃連 甘草 黃蘗各三兩
- 芍藥六兩 黃芩四兩 梔子仁十四枚 竹葉切
- 豉各一升 白鴨通合五

右十一味以水三斗先煮鴨通竹葉取一斗二升去滓
澄清取一斗次內藥煮取三升分三服若上氣者加杏仁五
合腹滿加石膏三兩

下散法治藥發熱困方 千金翼云凡散數發熱無賴下其方又云諸丹及金石等同用之

黍米三升作糜以成煎猪脂一斤和令調宿不食且空腹
食之令飽晚當下藥神良不盡熱發更合服之

又方

- 肥猪肉五斤 葱白 薤各半斤

右三味合煮治如食法宿不食且服之令盡不盡明日更服
又方治發動數數患熱困壓藥下之方

猪腎脂一具不令中水以火灸承取汁適寒温下服三合
每日夜五六服多至五六升二日稍隨大便下

又方作肥猪肉臠一升調如常法平且空腹頓服令盡少時腹
中雷鳴鳴定藥下隨下以器盛取用水淘得石不盡更作如前

服之

孫真人備急千金要方卷之七十三

孫真人備急千金要方卷之七十四

慈三

宋朝奉郎守太常少卿文秘閣校理林億等校正

解毒方

蠱毒第四方論

論曰蠱毒千品種種不同或下鮮血或好卧闇室不欲光明或
心性反常乍真乍喜或四肢沉重百節酸疼如此種種狀貌說
不可盡亦有得之三年乃死急者一月或百日即死其死時皆
有九孔中或於脇下肉中出虫所以出門常須帶雄黃麝香神
丹諸大辟惡藥則百蠱猫鬼狐狸老物精魅水不敢著人養生
之家大須慮此俗亦有灸法初中蠱於心下捺便大炷灸一百

壯并主猫鬼亦灸得愈又當足小指尖上灸三壯當有物出酒
上得者有酒出飯上得者有飯出肉菜上得者有肉菜出即愈
神驗皆於灸瘡上出
凡中蠱毒令人小腹絞切痛如有物齧或生下血皆如爛肉若
不即治蝕人五臟盡乃死矣欲驗之法當令病人唾水沉者是
蠱不沉者非蠱也
凡人患積年時復大便黑如漆或堅或薄或微赤者皆是蠱也
凡人忽患下血以斷下方治更增劇者此是中蠱也
凡卒患血痢或赤或黑無有多少此皆是蠱毒粗醫以斷痢藥
處之此大非也

金匱要略卷之五十四

卷三

世有掘醫見患蠱脹者遍身腫滿四肢如故小便不甚澀以水
病治之延自服水藥經五十餘日望得痊愈日復增加奄至殞
歿如此者不一學者當細尋方意消息用之萬不失一醫方千
卷不盡其理所以不可一一備述云耳
凡人中蠱有人行蠱毒以病人者若服藥知蠱主姓名當使呼
喚將去若欲知蠱主姓名者以敗鼓皮燒作末以飲服方寸匕
須臾自呼蠱主姓名可語令去則愈又有以蛇涎合作蠱藥者
飲食中使人得瘵病此一種積年乃死瘵之各自有藥江南山
間人有此不可不信之
太上五蠱圓治百蠱吐血傷中心腹結氣堅塞咽喉語聲不出

千金方

卷七十四

付文

短氣欲死飲食不下吐逆上氣去來無常狀如鬼祟身體浮腫
心悶煩夜寒戰夢與鬼交狐狸作魅卒得心痛上又胃脇痛如
刀刺經年累歲著牀不起悉去之方

雄黃 椒目 巴豆 菴草 芫花

真珠外壹用 鬼臼 礬石 藜蘆各四

附子五分 獺肝一分 蜈蚣二枚 斑貓三十枚

右十三味為末蜜和更搗二千杵丸如小豆先食飲服九
餘密封勿泄藥氣十九為一劑如不中病後日增九以下
利為度當下蠱種種狀貌不可具述下後七日將息服一劑
三十年百病盡除忌五辛

太乙追命圓治百病若中惡氣心腹脹滿不得喘息心痛積聚
臙脹疝瘕宿食不消吐逆嘔噦寒熱癩癰蠱毒婦人產後餘疾
方

蜈蚣一枚 丹砂 附子 礬石一作雄黃

藜蘆 鬼臼各一分 巴豆二分

右八味為末蜜丸如麻子一服二丸日一服傷寒一二日服
一丸當汗出綿裹兩丸塞兩耳中下利服一丸一丸塞下部
蠱毒服二丸在外膏和摩病上在隔上吐隔下利有瘡一丸
塗之毒自出產後餘疾服一丸耳聾綿裹塞取

治人得藥雜蠱方

斑貓

桂心

藜蘆

各如芥月下土如彈丸大

右四味治下篩水服

錢七下蠱蛇蝦蟇蜚蠊毒俱出

萬病圓治蠱注四肢浮腫肌膚消索咳逆腹大如水狀死後轉

易如家人一名蠱脹方小品名雄黃丸一名萬病丸

雄黃

巴豆

莽草

鬼臼

各四枚

蜈蚣

三枚

右五味為末蜜和搗三千杵丸如小豆密封勿泄氣宿勿食

平旦空腹一丸下炊久不知更加一丸當先下清水次下蠱

長數寸及下蛇又下蝦雞子或白如膏下後作葱豉粥補之

百種煖瘳息

治中蠱毒腹內堅如石面目青黃小便淋瀝病變無常處方後肘

古今錄驗方俱云用鐵精烏雞肝和丸如梧子以酒服三九日再服者不過十日千金用後方疑千金誤

殺羊皮

方五寸

犀角

芍藥

黃連

牡丹

各一兩

蘘荷

四兩

梔子仁

七枚

右七味以水九升者取三升分三服葛氏崔氏同無芍藥牡丹梔子用苦

參升麻當歸

犀角圓治蠱毒百病腹暴痛飛屍惡氣腫方

犀角屑

鬼臼屑

桂心末

羚羊角屑

各四錢七

天雄

莽草

真珠

雄黃

各一兩

貝子

五枚

蜈蚣

巴豆

五十枚

麝香

射南

如雞子黃一枚

右十三味為末合搗蜜丸如小豆服一丸日二含咽不知少

增之卒得腹滿蜚虎服如大豆許二九若惡氣腫以苦酒和
塗上縫衣子盛藥繫左臂辟不祥鬼疰蠱毒可以備急
治蠱毒方

茜根 藁荷根各三

右二味以水四升者取二升頓服肘後方云治中蠱吐
血或下血皆知爛肝

者自知蠱
主姓名

又方

蝟皮灰 亂髮灰各一方 生麻子汁五升

榭樹北陰白皮 桃根皮各五兩

右五味先者榭皮桃根取濃汁一升和麻子汁髮灰等合

患人宿少食且服一大升須臾著盆水以雞翎擗吐水中如

牛涎犢胎及諸蟲並出

又方榭樹北陰白皮一大握長五寸水三升煮取一升空腹服

即吐蟲出亦治中蠱下血

又方蝟皮灰水服方寸匕亦出蟲

又方

大戟 斑貓 五月五日桃白皮必效方云以東引
者火烘之各四分

右三味治下篩旦空腹以水一雞子許服八捻用二指相著

如開頓服之若指頭相離取藥大多恐能損人肘後方云服
棗核大不

十日更一服必效方云服半方寸匕其毒即出不出更一服
李饒州云若以酒中得則以酒服以食中得以飲服之

治蛇蠱方

蛇毒入菜果中食之
令人得病名曰蛇蠱

大豆末以酒漬絞取汁服半斤

治諸熱毒或蠱毒鼻中及口中出血醫所不治者方

取人屎尖七枚燒作火色置水中研之頓服即愈亦解百毒時氣熱病之毒服極神驗

治蠱吐下血方

檉皮廣五寸
長一尺

蘆荻根五寸如足大指
小品方用薔薇根

右二味吹咀以水二升煮取一升頓服極下蠱

治中蠱下血日數十行者方

巴豆二七枚 元青

藜蘆 附子

礬石各二分

右五味為末別治巴豆合篩和相得以綿裹藥如大豆許內

下部中日三瘥

又方苦瓠一枚以水二升煮取一升稍稍服之當下蠱及吐蝦

蟻蚪半之狀一月後乃盡范汪方云苦瓠毒當臨時量用
之肘後方云用苦酒二升煮

治下血狀如雞肝腹中攪痛難忍者方

茜根

升麻

犀角各三兩

桔梗

黃蘗

黃芩各二兩

地榆

白蘘荷各四兩

右八味吹咀以水九升煮取三升半分三服此蠱和血用之

又方

桔梗

犀角各等分

右二味為末酒服方寸七日不能自服絞口與之藥下心中當煩須臾自靜有頃下服至七日止可食猪脾臟自補養治鹽下血如雞肝日夜不解欲死者皆可用
 治腸蠱先下赤後下黃白沫連年不瘥者方
 牛膝一兩搥散切以淳清酒一升漬一宿平旦空腹服之
 再服便愈

北地太守酒治萬病蠱毒風氣寒熱方

- 烏頭 甘草 芎藭 黃芩 桂心
- 藜蘆 附子 白欬 桔梗 半夏
- 栝子仁 前胡 麥門冬 各六兩

右十三味七月麴十斤林米一斛如醞酒法咬咀藥以絹袋盛之沉於釜底酒熟去糟還取藥滓以青布袋盛沉著酒底泥頭秋七日夏五日冬十日空腹服一合日三以知為度藥有毒故以青布盛之服勿中止二十日大有病出其狀如漆五十日病悉愈婦人年五十被病連年腹中積聚冷熱不調時時切痛逆臍絞急上氣留滿二十餘年服藥二七日所下三四升即愈又有女人病偏枯終產服二十日吐黑物大如刀帶長三尺許即愈其年生子又有女人小得癩病服十八日出血二升半愈有人被杖崩血內瘀卧著九年服藥十三日出黑血二三升愈有人耳聾十七年服藥三十五日鼻中

出血三升耳中出黃水五升便愈古方云熹平二年北地太守臣光上然此偏主蠱毒有人中蠱毒者服無不愈極難瘥者不過二七日所有效莫不備出曾有一女人年四十餘偏枯羸瘦不能起長臥床枕耳聾一無所聞兩手不攷已經三年余為令之遂得平復如舊有人中蠱毒而先患風眼茵芋酒傷多吐出蠱數十枚遂愈何況此酒而不下蠱也嘉其功效有異常方故具述焉

胡臭漏腋第五論

論曰有天生胡臭有為人所染臭者天生臭者難治為人所染者易治然須三年醋傳礬石散勿止并服五香丸乃可得瘥勿

言一度傳藥即瘥止一傳藥時暫得一瘥耳五香丸見前第六卷中凡胡臭人通食食芸薹五辛治之終身不瘥石灰散治胡臭方

- 石灰升一 楓香一作沉香 丁香 薰陸香 青木香各二兩
- 礬石兩四 橘皮 陽起石各三兩

右八味治下篩以綿作象子粗如指長四寸展取藥使著象上以絹袋盛著腋下先以布揩令痛然後挾之

又方三年苦酢和石灰傳之

治胡臭方

辛夷

芎藭

細辛

杜蘅

藁本

各二兩

右五味以咀以淳苦酒漬一宿煎取汁傳之欲傳取時以瘥為度

又方

青木香 附子 白灰各二 礬石兩

右四味為散著粉中常粉之

又方赤銅屑以酢和銀器中炒極熱以布裹慰腋下冷復易

又方榭葉切三升以水五升煮取一升用洗腋下即以白苦瓠

燒令煙出熏之數數作用

又方

辛夷 細辛 芎藭 青木香四分

右四味治下篩熏竟粉之

又方馬齒菜一束搗碎以蜜和作團以絹袋盛之以泥紙裹厚

半寸曝乾以火燒熟破取更以少許蜜和使熟勿令令先以生

布揩之夾藥腋下藥痛久忍之不能然後以手中勒兩臂

又方

牛脂 胡粉各等分

右二味煎令可丸塗腋下二宿即愈不過三劑

又方伏龍肝作泥傳之

六物散治漏腋腋下及足心手掌陰下股裏常如汗濕臭者方

乾枸杞根 乾薔薇根 肝後作 甘草各半

商陸根 胡粉 滑石各一兩

六右件藥治下節以苦酒少少和塗當微汗出易衣復更塗之
不過三著便愈或一歲復發發復塗之

又方

水銀 胡粉外臺作粉霜

右二味以面脂研和塗之良驗

又方

石灰三升 銀屑一升一作銅屑

右二味命和絹囊盛汗出粉之妙

又方正直以尿洗腋下神效

又方黃礬石燒令汗盡治為末絹袋盛粉之即瘥

脫肛第六方

肛門主肺肺熱應肛門熱則閉塞太行不通腫縮生瘡先通方

白蜜三升煎令燥冷水中調可得為丸長六七寸內肛門

中到身向上頭向下少時取烱斯頃即通洞泄

猪肝散肛門主大腸大腸寒應肛門寒則洞瀉肛門滯出

猪肝一斤熬 黃連 芎藭各三兩

艾葉一兩 烏梅肉五兩

右六味治下節溫清酒一升服方寸匕半日再若不能酒與

清白米飲亦得

壁土散治肛門滯出方

故屋東壁土一升 皂莢三挺各長一尺二寸

右二味先搗土為散搥粉肛頭出處次取皂莢炙煖更透慰取入則止

又方灸故麻履底按令入頻按令入永瘥

又方鼈頭故敗麻履底各一枚

右二味燒鼈頭搗為散傳肛門滯出頭次將履底按入即不出矣

又方磁石四兩 桂心一尺 蝟皮一枚

右三味治下篩飲服方寸匕日一服即縮慎舉動及急帶衣

斷房室周年乃佳肘後方云治女人陰脫出外用鱉頭一枚為四味

又方女萎一升以器中燒坐上熏之即入

治脫肛方 蒲黃二兩以猪脂和傳肛上內之二三度即愈

治腸隨肛出轉廣不可入方 生栝萋根為粉以猪脂膏温塗隨手抑按自得縮入

治積冷利脫肛方 枳實一枚石上磨令滑澤鑽安柄蜜塗炙令暖慰之冷更

易取縮入止

又方鐵精粉內上按令入即愈

治脫肛歷年不愈方

生鐵三斤以水一斗煮取五升出鐵以汗洗日再

又方死鼈頭一枚燒令煙絕治作屑以傅臍門上進以手按之

灸法 病寒冷脫肛出灸臍中隨年壯

脫肛歷年不愈灸橫骨百壯○又灸龜尾七壯龜尾即後

瘦瘤第七方十三首 證一條

治石瘻氣瘻勞瘻土瘻瘰癧等方

海藻 龍膽 海蛤 通草 昆布

礬石一作松蘿各三分 麥麩四分 半夏二分

右九味治下篩酒服方寸匕日三禁食魚猪肉五辛生菜諸

難消之物十日知二十日愈

孟通按此方治

小麥麩一斤 海藻一斤 特生礬石兩

右三味以三年米醋漬小麥麩曝乾各搗為散合和服方

寸七日四五服藥含極乃咽之禁薑五辛猪魚生菜大吹大

讀誦大呌語等

又方

昆布 松蘿 海藻各三 桂心 海蛤

通草 白欬各二

右七味治下篩酒服方寸匕日三

又方

海藻 海蛤各三 昆布 半夏 土瓜根

松蘿各一兩 通草各二兩 白欵 龍膽各二兩 土瓜

右十味治下篩酒服方寸七日再不得作重用方

又方昆布二兩洗切如指大醋漬含咽汁盡愈

又方

海藻一斤小 小麥麴一升

右二味以三年醋一升搜麴末曝乾往反醋盡合搗為散酒

服方寸七日三服忌努力崔氏云療三

五癭圓方

菖蒲 海蛤 白欵 續斷 海藻

松蘿 桂心 蜀椒 到掛草 半夏各一兩

神麴二兩 羊靨百枚

右十二味治下篩以半羊髓脂為丸如梧子日服三九

又方取鹿靨以佳酒浸令沒炙乾內酒中更炙令香含咽汁味

盡更易盡十具愈

灸法

癭惡氣灸天府五十壯千金翼云又

癭上氣短氣灸肺膺百壯

癭上氣留滿灸雲門五十壯

癭勞氣灸衝陽隨年壯

癭氣面腫灸通天五十壯

瘦灸天髻三百壯橫三間寸灸之

又灸中封隨年壯在兩足趺上曲尺宛宛中

諸瘦灸肩髃左右相當宛宛處男左十八壯右十七壯女右十

八壯左十七壯或再三取瘥止

又灸風池百壯俠項兩邊

又灸兩耳後髮際一百壯

又灸頭衝一作頭衝在伸兩手直向前命髻者頭對鼻所注處

灸之各隨年壯千金翼云一名臂臑

凡肉瘤勿治治則殺人慎之肘後方云不得針灸

陷腫散治二三十年瘦瘤及骨瘤脂瘤石瘤肉瘤膿瘤血瘤或

其肉大如杯杆升斗十年不瘥致有漏潰令人骨消肉盡或堅或軟或潰令人驚悸寤寐不安身體瘳縮愈而復發方

烏賊骨 石硫黃各一分 白石英 紫石英

鐘乳各二分 丹參各三分 琥珀 附子 胡鷲屎

大黃 乾薑各四分

右十味治下篩以韋囊盛勿泄氣若瘡濕即傳若瘡乾猪脂和傅日三四以乾為度若汁不盡者至五劑十劑止藥令人

治瘦瘤方

昆布 桂心 逆流水柳鬚醪 海藻

乾薑各二兩 羊脂七枚
右六味為末蜜丸如小彈子大含三丸咽津
又方

礬石 芎藭 當歸 大黃 黃連

黃芩 白欬 芍藥各二分 吳茱萸一分

右九味治下篩雞子黃和塗故細布上隨瘤大小厚薄帖之
乾則易著藥熟當作膿脂細細從孔中出須探膿血盡著生
肉膏若膿不盡復起如故

生肉膏治癰瘡潰漏及金瘡百瘡方

當歸 附子 甘草 白芷 芎藭各一兩

薤白二兩 生地黄三兩
右七味咬咀以猪脂三升半煎白芷黃去滓稍以傳之日三
又方以狗屎煨雞子傳之去膿水如前方說傳生肉膏取瘡見
前二十卷

陰癩第八論

論曰癩有四種有腸癩卵脹氣癩水癩腸癩卵脹難瘥氣癩水
癩針灸易治

治癩圓方

桃仁 蜘蛛各五枚 桂心 蒺藜子 地膚子
澤瀉 防風 五味子 橘皮 茯苓

防葵

芍藥各二兩

牡丹皮

細辛

海藻各一兩

孤陰具一

右十六味為末蜜和丸如梧子服十九稍加至二十九方角處一丸令頓上兩爪角各令半丸上爪指灸七壯愈

陰癩灸足大趾下理中十壯隨腫邊灸之肘後方云灸足趾跌趾第二節下橫文正中

央五壯姚氏云足跌指本三壯

男兒癩先將兒至碓頭祝之曰坐汝兒某甲陰囊癩故灸汝三

七十二一枚灸訖便牽小兒令碓頭下向著囊縫當陰頭灸縫

上七壯即消已驗文炷獨簪頭許

大丸男癩當騎碓軸以莖伸置軸上齊陰莖頭前灸軸木上隨

年壯

論曰有人自少至長陰下常有乾癬者宜依癬方主之有五勞

七傷而得陰下癢濕搔之黃汁出者宜用補丸散主之仍須補

藥治之亦有患妬精瘡者以妬精方治之夫妬精瘡者男子在

陰頭節下婦人在玉門內並似疔瘡作白齋食之大痛疔即不

痛也

蒺藜子湯治虛熱石熱當露卧冷濕傷肌熱聚在裏變成熱及

水病腫滿腹太氣急大小便不利腫如皮紙盛水見晃如老蠶

色陰莖堅腫為瘡水出此皆腎熱虛損強取風陰濕傷脾胃故

也治之法內宜依方服諸利小便藥外以此湯洗四肢竟以葱

白膏傳之別以猪蹄湯洗莖上蒺藜子湯方

蒺藜子 葱心青皮 赤小豆各一

菘菜子二升 葫蘆五升 巴豆一枚合

右六味咬咀以水二斗煮取八升以淋洗腫處

猪蹄湯治服石發熱因勞損熱盛當風露卧莖腫方

猪蹄一隻 葫蘆三升 蒺藜子碎一升 葶藶子五合

黃蘗五兩

石五味咬咀以水一斗煮取三升冷浴陰莖日三

葱白膏方

葱白 松菜子 葶藶子 葫蘆根

蒺藜子 丹參各半 猪膏五升

右七味咬咀煎如煎膏法去滓用之

治男子陰腫大如升斗核痛人所不能療者方

雄黃一兩研 礬石二兩研 甘草一尺切

右三味以水五升煮減半洗腫痛處集驗方無礬石只二味

治陰腫皮癢方

熬桃人令香為末酒服方寸匕日三

有人陰冷冷氣漸入陰囊腫滿恐死日夜夜悶外臺作夜不得 眠方

取淫椒擇令淨以布帛裹著丸囊令厚半寸須臾熱氣通

日毒易取消瘡止

又方搗苜蓿根傳之

又方醋和熟灰熨之

又方醋和麩熨之

又方煮大薊根汁服一升日三不過三劑愈

治陰腫痛方

灸大敦三壯

治卒陰痛如刺汗出如兩方

小蒜

韭根

楊柳根各一斤

右三味合燒以酒灌之及熟以氣蒸之即愈

治陰痛方

甘草

石蜜

右二味等分為末和乳塗之

治妬精瘡方

用銀釵綿裹以臘月猪脂重黃火上暖以釵烙瘡上令熟取乾槐枝燒諸塗之

又方麝香

黃礬

青礬各等分

右三味為末小便後傅上不過三度

治陰蝕瘡方

蒲黃一升

水銀一兩

右二味研成粉小便後即傅之瘡止

又方以肥猪肉五斤水三斗煮令極爛去肉以湯令極熱便以清瘡中冷即愈

又方狼牙兩把切以水五升煮取一升温洗之日五度

治陰蝕生瘡或積方

雄黃 礬石 各二分 麝香 半分

右三味治下篩為粉粉瘡上即瘡

治陰惡瘡方

蜜煎甘草末塗之葛氏云此見有人患頭腫攻下瘡瘡欲塗之

治男女陰瘡方

石硫黃為末以傅瘡上

治男女陰癢生瘡方

嚼胡麻傅之佳

治陰下生瘡洗湯方

地榆 黃蘗 各八兩

右二味咬咀以水一斗五升煮取六升去滓適冷煖便洗瘡日再或只煮黃蘗汁洗亦佳

孫真人備急千金要方卷之七十四

卷之十四

寬政丁巳春正月穀且川越殿西官大戸孟通東塾於東都客舍

[Faint bleed-through text from the reverse side of the page]



